

西湖志

第一函
第七冊

西湖志卷之九

西園亭

附書院

園圃以毓草木亭臺以望氛祲王制所有事也而藻耀山川輝映雲日亦足以潤色太平西湖自

六龍巡幸勝迹長留而賢達者流投軌接軫卽林皋以
土館結宇望雲壑以考室向非際會昇平未易觀斯美
盛昔人因名園之興廢知洛陽之盛衰有以也志

園亭

孤山路

聖因寺花園 在孤山之南聖因寺內康熙四十四年

聖祖仁皇帝省方幸浙恭建

行宮於孤山之上西首爲園雍正五年欽奉

上諭改爲聖因寺卽園中

萬歲樓恭奉

聖祖仁皇帝神御龍牌俾臣民萬世瞻仰內有

御書光碧亭雲岫閣並雙桂軒皆林巒絕勝處

恭紀名勝

西湖山房 在聖因寺內正殿東南

聖祖仁皇帝御書題額北爲攬勝齋

恭紀名勝

御書雲峰四照亭 在孤山巔聖因寺後雍正七年總

督臣李衛建十年

御題雲峰四照扁額奉懸亭上

恭紀名勝

放鶴亭 在孤山之北宋和靖處士林逋故廬也元

至元間儒學提舉余謙旣葺處士之墓因植梅花

數百本構梅亭其下郡人陳子安以處士妻梅子

鶴不可偏舉乃持一鶴放之遂構鶴亭後與梅亭

並廢明嘉靖間錢塘令王鈇重建曰放鶴亭崇禎

壬申鹽運副使崔世召新之

李日華重修放鶴亭記昔人次第隱逸以

聲光泯絕邈不可追如披裘石戶推居太上余曰
此程品之論也亦憎夫借徑終南佐命句曲者耳
夫隱品當程而隱材尤當覈璞惟引虹是以貴其
不凋劍惟犯斗是以惜其終掩彼碌碌錚錚者譬
如猿蹲樹杪醵飲澗阿頑然有生一無表見則真
深山野人何從覓幾希之異而命之隱君哉宋和
靖先生欽寄歷落之士也應制科不第退隱錢塘
明聖湖初亦婚娶生子洪著有山家清供一編每
稱先人非不妻而妻梅不子而子鶴也祥符天聖
間二虜日驕韓范之略未能緩靖忠佞糴襍丁夏
之黨互爲水火先生吟漆室紆軫於懷故發其
遺書有曾無封禪之句所齎之志概可見矣當日
有繪湖景裝軸鬻錢湖上於林麓端標數字云林
君復放鶴處先生見之曰世亦知有老逋耶後人
想象其處作亭非先生自亭也先生一日倚杖柴
門得句云夕寒山翠重秋淨鴈行高吟諷滿意抵
掌曰平生讀武侯傳未嘗不心折其鴻樹然視余
今日鑒句於翠綠中覺神韻孤上翻似過之過之

者軼之也亦驚之也先生未嘗忘世世亦不能忘
先生想見點雪冲虛縑鏹不設入瀛照影指縱由
心飄蕭塵壒之表先生與鶴其俱在耶閩崔君仲
徵沈寥耿亮丰采毅如生平宦轍所經惠澤煦若
春霖風稜凜於霜鏐一觸瑠炤幾燎崑墟幸霈新
恩大節昭布來佐離司責我邦國迴翔湖山之上
狎主騷壇之盟其品與材與和靖先生而兩雖其
顯晦夷阻判乎各遭然皆金玉其音而糠粃萬有
者也崇禎壬申嘉平月友人陳則梁以書來云崔
使君割廉標勝孜孜未替前月一新湖心亭藍山
人田叔監之韓太史求仲記之今又新放鶴亭徐
文學仲凌監之吾子應記之余謝不敏旣而曰是
誠在我余旣慕崔使君之品與材每坐馳明聖湖
頭卽胷中着兩和靖而生平詮次隱逸所耿耿欲
吐如是敢歲久圯

國朝康熙十二年巡撫范承謨重葺布政使李之粹榜

曰林君復放鶴處三十五年

聖祖仁皇帝御書舞鶴賦勒石孤山恭建

御碑亭於其上

平湖秋月亭 在孤山路口舊爲望湖亭康熙三十

八年

聖祖仁皇帝御書平湖秋月爲西湖十景之一遂建亭於

此恭紀
名勝

勾留處 前浙江巡撫范承謨陞任福建總督去浙

時嘗取樂天未能拋得杭州去一半勾留是此湖

之句書勾留處於湖心亭康熙三十八年

聖祖仁皇帝臨幸西湖

御書湖心亭額遂移范書於孤山放鶴亭之南建亭以懸
之五十八年承謨子時崇爲福浙總督重加修葺
繚以石垣亭臨方塘悉栽芙蕖周遭雜植花木後
爲高軒數楹輔以舫齋環以曲廊左構重樓臨池
爲水閣潔淨軒爽邦人懷承謨舊澤猶稱范公書
聖俞院云至聖日會
敬一書院在孤山四賢祠之右康熙二十四年巡

撫趙士麟建每月之朔集紳士耆老宣講

聖諭於此至望日會師儒講學既擢去士民卽以祠之

趙士麟西湖講堂詩二首佳麗稱兩浙風景首西湖院院仙家宅紛紛佛者徒於此有講堂乃在孤山隅月吉須讀法講說資詩書煌煌十六條帝言合典謨勸民戒游蕩勗士學唐虞遊蕩非小害何以辨賦租唐虞亦易效孝弟可爲模能勉卽上智不移乃下愚古來歌舞場最易負居諸撫軍受命來所重在封疆今者與多士稱說惟先王迂闊頗自笑功效何由彰學優乃能仕仕學須審詳爲學貴知本亦如築斯堂堂基苟不固棟宇徒輝煌風雨能飄搖欹斜乃其常鑒此各自勵先儒卽周行計功與謀利病甚怠與荒他日翊社稷還如處膠庠

西爽亭 在孤山聖因寺之西雍正八年總督臣李

衛建

勝詳名

褒忠亭

在孤山路口關帝廟左爲前分巡溫處道

陳丹赤建丹赤死祖宏勳之難康熙三十三年

詔贈通政司通政使諡曰忠毅

聖祖仁皇帝御書名垂青史四字以賜因建是亭

快雪堂

秀水馮夢禎開之以南國子祭酒免遂不

復出築室孤山之麓家藏快雪時晴帖名其堂曰

快雪今爲司農嚴沆別業

張遂辰晚留孤山草堂詩孤山草堂絕可憐湖

深渚綠正芊綿頻年水郭蕩飛絮昨日春衣過禁煙笛近客依燈火岸酒闌人返夕陽船閑遊但使

心情在隨處
風花似渭川

清風草廬 在陸宣公祠左前吏部尙書徐潮別業

潮巡撫河南時

聖祖仁皇帝嘗

御書凜矢清風四大字

賜潮潮因以名其廬凜

聖訓也中有樓舊名風滿樓後取東坡句改雨奇晴好之

樓背倚石壁爲軒數楹修竹萬竿參蔽天日湖上

園榭雖多銷夏者以此爲選勝場焉

沈近思清風草廬詩結屋

蒼厓下風來蘋末多湖光收玉鏡山翠滿雲蘿京月忽移榜清秋一放歌因風懷吏部高躅寄庭柯

西湖書院 明成化間布政使甯良等建以居大理

卿郡人夏時正名孤山書院西太乙宮故址也建

書庫捐贍田以待四方學子又名西湖書院

夏時正孤

山書院種梅方伯祁陽甯公攜樽見過詩占斷層崖學種梅呼朋踏破白雲堆自憐結屋青山住不謂乘春畫舫來竹下倒裳迎使節花間供具促吟杯都非詔遣旌求急鷗鷺無煩著意猜徐奇西湖書院詩天上歸來畫錦行一區書屋傍湖成身如五柳先生曠心似孤山處士清松下研硃朝露滴竹西開卷夕陽明遙知載述中宵候萬丈文光北斗平

歲久圯

國朝康熙二十五年督學王掞於跨虹橋之西重構爲

講學之所門對麴院中爲講堂三楹後爲層樓翼以廊廡爲諸生肄業之所仍名西湖書院云

崇文書院 在跨虹橋西明萬曆間巡鹽御史葉永盛視鹺之餘集內商子弟於西湖之跨虹橋西授以題命各就舫中屬文舫皆散去少焉畫角一聲羣舫畢集各以文進面定甲乙名曰舫課去官後商士思之就其地建書院中奉朱子神位而以其後寢祀永盛春秋配饗卽以餒餘爲舫課櫝其文於鹺使者評隲焉

國朝康熙四十四年

聖祖仁皇帝御題正學闡教四字

賜爲額爰鼎新之榜曰崇文中爲饗堂闢其左爲亭敬摹御書勒石崇奉後爲敬修堂爲諸生齋舍雍正十一年鹽

驛道張若震重修規制大備

姚之駟重修崇文書院記

成均以萃八方之士郡縣學以萃鄉國之士而又設爲書院以講學其中驚湖鹿洞自昔爲昭今

聖天子

在上特於省會書院大沛殊恩良以書院之建

學校之助也然非宦斯土者以教育人材是亟爲

之振興而鼓舞則其事亦難永久而不敝西湖故

有書院名崇文爲新安人士肄業之所明直指葉

公雅有造士之德因創斯地以尸祝之堂皇之上

敬祠徽國文公歲祀罔缺吾鄉士大夫習禮於斯

兼課文藝聲華鵲起科第蟬聯蓋百數十年於茲
矣康熙四十四年恭遇

聖祖南巡
御書正學

闡教之額頒賜院內日華雲爛朗耀湖山多士
益爭自濯磨文風日上雍正十一年大都運桐城
張公來督離政公以黃閣世家鴻文駿業昭昭在
人耳目莅任後恤商惠民庶政具修而尤以教育
人材爲己任春秋書院祀事必躬必親酌爵之餘
恆集諸生諄諄以進德修業相勗因環顧祠宇多
爲風雨剝蝕且講堂誦舍缺焉未周無皋比之座
學徒末由矜式慨然思所以振興而鼓舞之爰命
嵯商閱其廢缺酌所修舉凡木石之需壁堊之費
計鏹如千延師之脰脯集課之膳修優獎之楮穎
閱年計鏹如千兩分離各爲捐貲餘俱按引輸費
歲以爲常離業諸君罔不踴躍從事一時祠宇堂
舍煥然稱鉅麗觀公乃慎擇經師延進士施君學
川爲設絳帳由是策杖負笈之徒蒸然雲集會而
課者月至三四百人校其文而甲乙之公加以品

題優其獎賞多士莫不舉手加額曰而今乃知文
之崇也夫崇文者豈徒揚芳摘藻綴青拾紫而已
哉周子曰文所以載道程子曰編之乎詩書而不
愧措之乎天地而不疑此爲傳世之文夫文章性
道原自脗合學者習其辭究其義以之澡身而浴
德以之經天而緯地皆於文焉始終之今者敬瞻
宸翰當思學何以正教何以闡昔文公誨士必先器識而
後文藝凡我同學之人務期砥躬礪行上以答
盛朝造士之弘恩下以體我公樂育之雅意橫經問業
一惟徽國公是景是仰由是發爲文章可以麗日
星垂金石顯爲事業可以立丹陛奠蒼生則其文
斯爲大文其崇斯爲至崇矣多士戴公之德謀一
言以鑒諸石余不敏向附崇文之末班恭
承嘉惠竊與有榮觀焉遂不辭而爲之記

曲院風荷亭 在蘇隄跨虹橋西康熙三十八年

聖祖仁皇帝御書曲院風荷爲西湖十景之一遂建亭其

處內有迎薰閣東爲望春樓

恭紀名勝

御題竹素園

在湖山神廟西雍正九年總督

臣

李衛

闢地爲園創建亭宇十年恭奉

皇上御書竹素園三字額懸正廳內有流觴亭水月亭

臨花舫觀瀑軒聚景樓俱擅湖山之勝

恭紀名勝

流觴亭

在竹素園內引桃溪之水屈曲環繞可以

流觴

李衛流觴亭題額西湖名勝甲天下所少者飛瀑橫空懸流直下此唐宋諸賢吟咏之餘

未能無遺憾也余旣改建漢關壯繆侯神祠於金沙港頗具勝槩祠之北岸尙少映帶創爲湖山神廟以爲後障有泉一道循山而下噴珠灑雪響珮鳴環曲折流貫於祠之右偏豈前賢搜剔未盡抑